

## NUTAAQ

Saqqummiussissut juulip 28-ani 2011-meersoq taarserneqarpoq  
(2010-mi inaarummik akileraarutit naatsorsorneqarnerannut tunngasumik immikkoortumik  
ilanngusisoqarpoq)

**Kommunit pillugit nassuiaat 2011**

(Nunamut Namminermut, Pinngortitamut Avatangiisinullu Naalakkersuisoq)

**Saqqummiussissut**

(Nunamut Namminermut, Pinngortitamut Avatangiisinullu Naalakkersuisoq)

Nuannaarutigaa Naalakkersuisut sinnerlugit Kommunit pillugit nassuiaat 2011  
saqqummiussinnaagakku.

Naalakkersuisut neriutigaat, Inatsisartut ullumi oqallinnerat inerniliinerallu kommunit  
nutaamik aaqqissuuteqqinneqarnerat pillugu iluarsissutissat oqaluuserineqarnerata  
ingerlaqqinnissaanut naleqqussaalluni ilassutigineqarnissaat, nutarterinerup annertuup  
pisariaqartumik naleqqussarlugu iluarsissuuteqqarfigineqarnissaani.

Kommunit aaqqissuuteqqinneqarnerisa kingorna kommuninut siullermik qinersinermiit  
piffissap qinersiviusup affaa sinnerlugu ingerlareerpoq, Naalakkersuisullu nalilerpaat  
piffissanngortoq kommunit aaqqissuuteqqinneqarnerisa maannamut sunniutai  
misissorluarneqassasut, aaqqissuuseqqinnerup pisariaqartunik naleqqussarlugu  
iluarsiissuuteqqarfigineqarnissaa siunertarlugu aaqqissuussinerup  
aaqqissuuteqqinneqarnissaanik suliap ingerlaqqinnissaa, ilaatigut Naalakkersuisut aamma  
kommunit akornanni suliaassanik nuussinissaq aamma kommunini aqutsinermi  
tunngavigineqartut naalakkersuinikkut aamma allaffissornikkut ingerlatsinermi  
killissartinneqartut ilanngullugit.

Tassunga atatillugu Naalakkersuisut innersuussutigissavaat nassuiaammi immikkoortoq  
Aaqqissuussaaneermik Iluarsartuusseqqinneq pillugu Politikikkut Ataqtigiiissaarisunut  
tunngasoq.

Maajip qaammataani KANUKOKA Qaqortumi isumasioqatigiissitsivoq, ilaatigut kommunit  
anigaasaqarnerat, Namminersorlutik Oqartussanik suliaassanik nuussinissat aamma  
sumiiffigisami kikkut tamat oqartussaaqataa nerat sammineqarlutik. Upernaakkut 2012-imi  
kommunit pillugit isumasioqatigiinnissamik Naalakkersuisut pilersaarutigisaanut  
isumasioqatigiinnermi tassani misilittakkat piareersaanermi ilaatinneqassapput.

Taamatuma nalaani tullianik kommuninut qinersinissamat aprilimi 2013-imi pisussap  
tunganut ukioq ataatsip missaaniilersimassaaq taamaalillunilu periarfissaqassaaq  
nalilersuinissamat killissarititaasut, qinersiviup tulliani atuuffigineqartussap  
kommunerujussussuit sisamat nutaat tunngavigisaasa naleqqussarlugit  
iluarsiissuuteqqarfigineqarnissaannut ilaatinneqartussanik.

Nassuiaatip matuma Inatsisartunut tunniunneqareernerata kingorna Akileraartarnermut  
Aqutsisoqarfiup 2010-mi inaarummik akileraarutissat naatsorsorlugit naammassivaat.  
Akileraarutunik inaarummik naatsorsuinerup takutippaa, 2010-mi kommunit

amerlavallaartunik akileraarutitik siumoortinneqarsimasut, akileraarutitik inaarummik naatsorsuinerup inerneranut naleqqiullugu. Nikingassut taanna 2012-imi iluarsineqassaaq. Tamanna pissutigalugu Naalakkersuisut nalilersorniarpaat kommunit aamma Namminersorlutik Oqartussat akornanni akileraarutit sulisitsisunit unerartinneqartartut akilerneqartarnerat pillugit iluarsisuteqartoqassasoq, tamannalu pillugu kommunit oqaloqatigineqassapput.

Ukioq manna nassuiaat kommuninut, KANUKOKA-mut aamma KANUNUPE-mut kiisalu Aningaasaqarnermut Naalakkersuisoqarfimmut oqaaseqarfigitinneqarpoq.

Siuliani oqaatigineqareersutut Naalakkersuisut kissaatigaat ukioq manna nassuiaat kommuninit aamma Namminersorlutik Oqartussanit nalilersuinerut atorneqassasoq, siunissami kommunitik aqqissuussineq qanoq ilusilersorneqassanersoq, qanoq siulersuineq aamma aqutsineq sunnuteqarluarnerpaamik ingerlanneqassanersoq, suliassat suut siunissaq qanittoq ungasinnerusorlu isigalugit kommunit pitsaanagerusumik isumagisariaqaraat, politikikkut ingerlataqarfinni sorlerni sullissinerup pitsaassusiata qaffasissusia qanoq ittoq kissaatigineqarneraq, kommunit aamma Namminersorlutik Oqartussat akornanni aningaasat pillugit aviffiqatigiinneq qanoq ittuussanersoq.

Taamatut oqaaseqarlunga Naalakkersuisut sinnerlugit nassuiaat Inatsisartunut akuersortumik suliassanngortippara.